

DISSERTATIO JURIDICA  
DE

# ADVOCATIS EORVMQVE PRIVILEGIIS

QVAM CONSENTIENTE

MAGNIFICO ICTORVM ORDINE  
IN  
ACADEMIA WITTENBERGENSI

PRÆSIDE

VIRO NOBILISSIMO, AMPLISSIMO, CONSVLTISSIMO  
ATQVE EXCELLENTISSIMO

DN. GODOFREDO STRAVSSIO

PHILOSOPH. ET J. V. D.

INSTITVTIONVM PROF. PVBL. LONGE CELEBERRIMO

CVRIÆ ELECTORALIS SCABINATVS, ET  
INCLYTÆ FACVLTATIS JURIDICÆ  
ASSESSORE GRAVISSIMO

FAVTORE AC STVDIORVM PROMOTORE

OMNI OBSERVANTIA ÆVITERNVN, COLENDO

IN AVDTORIO ICTORVM

DIE OCTOBR. M DC LXXV.

PVBlico ERVDITORVM EXAMINI

SVBIECIT


CHRISTIANVS SCHLINZIGIVS

DRESD. MISN.

WITTENBERGÆ

RECUSA PER JO. CHRISTIANVM GERDESIVM MDCCXXXI.







## PROOEMIUM.



**Q**ui Disputationem aliquam conscribere constituunt, eo allaborare solent imprimis, ut inveniant materiam, quæ novitate pariter ac raritate commendari possit maxime. Quam longe vero nonnulli, id observaturi, a scopo aberrant, meum non est affirmare, nec illos sectari animus. Sed lubet potius ad utilitatem inclinare eundem. Quapropter materiam de Advocatis, quorum laudabile, vitæque hominum maxime necessarium officium est, *l. Laudabile 4. Cod. de Advoc. 2.* simulque de eorum Juribus tractantem selegi, nullus dubitans, quin ex illius perlustratione, quæ pro instituti ratione brevis sit, multum utilitatis haurire valeam. Quo vero hic noster labor rite ac feliciter perfici queat, Divinum Numen, in cujus nomine ad omnia consilia omnesque actus semper progredimur, *l. 2. C. de Offic. Pres. Pret. Afr.* supplex veneror, ut ejusdem principium sit, medium & terminus. *Nov. 109. pr.*

## THESIS I.

**A**Ntequam rem ipsam aggredior, vocabuli natura paucis examinanda erit, ut, unde illud descendat, evidenter constare queat. Nam licet potior rerum, *l. 7. in fine ff. de supell. legat. arg. l. 15. §. 4. locat.* prior tamen verborum, habenda est ratio, *l. 1. pr. ff. de Just. & Jur. l. 1. ff. de reb. cred.* Jctorum itaque vestigiis quoniam insistendum nobis est, vocabulum Advocati quale sit, videbimus. Deprehendimus autem, illud compositum esse a præpositione separabili *ad* & participio verbi *voco*, ut inde Advocatus dicatur, qui ad patrocinium præstandum a Clientibus vocatus est. *Zoëf. ad ff. tit. de postul. num. 1.*

## THESIS II.

Varie autem accipitur. Olim in latissima significatione eos denotavit, qui, testimonii causa in judicium vocabantur, vel etiam, qui præsentiam saltem suam amico commodabant. Moris etenim fuit tam in publicis, quam privatis, Judiciis amicos advocare, quorum autoritate Judices moveri posse putavere. *Vid. Calvin. in Lexico Jurid. hac voce & ibi cit. Aut. Qui mos adhuc hodie a nonnullis observari assolet, dum unum vel alterum amicum in Judicium secum adducunt, (quem lingua vernacula einen Beystand appellamus) non ut eorum causas oreret, sed præsentiam tantum commedet suam.* Postea vox ista late sumi cepit, & dicti ita sunt, qui quoquo studio causis agendis operabantur, uti patet ex *l. 1. §. 11. de extraord. cognit.* non vero, qui pro tractatu non adfuturi causis accipere aliquid solent. *c. l. 1. §. 11. in quo significatu & nostris moribus usurpatur, dum*

dum quemlibet advocatum nominamus, sive procurator sit, sive defensor, sive quis alius. Stricte sumitur pro eo, qui casus orat, ac patrocinium clientibus præstat. *Wissenbach. ad tit. C. de postul.*

### THESIS III.

Multis præterea Nominibus insigniuntur Advocati. Dicuntur enim (1) Patroni, *l. 1. §. 4. ff. de postul. l. 6. pr. C. eod.* (2) Patroni causarum, *l. 4. C. de postul. l. 2. C. de Advoc. 1. l. 4. l. 5. eod.* (3) Causidici, *l. 6. C. de postul. l. 2. l. 5. C. de Advoc. 1.* (4) Togati, *l. 8. C. de postul. l. 3. l. 6. l. 8. l. 9. C. de Advoc. 1.* (5) *Jure Sax.* Vorgesprecher audiunt, vid. *Landes Recht lib. 1. art. 60.* plura hanc in rem videri possunt apud *Colleg. argent. tit. de postul. ib. 19.*

### THESIS IV.

Definitur Advocatus a Jcto Ulpiano, quod sit, qui desiderium suum, vel amici sui, in judicio exponit, alteriusque desiderio contradicit. *l. 1. §. 2. ff. de postul.* cui adstipulatur Glossa in *Landes Recht lib. 1. art. 60. ibi:* Ein Vorgesprecher ist/ der auf seines Freundes/ oder eines andern Begehre und freundlichen Ersuchen/ dem Richter eine Sache vorträgt/ und dieselbigen mit Reden vertritt/ gegen denen/ die sich darwider setzen.

### THESIS V.

Ratio differentiae desumitur (1) ab *objecto*, quod sunt causae litigiosae, tam civiles, quam criminales, ac etiam quidem iustae. Injustas enim Advocatus suscipere non debet. *l. 14. §. 1. C. de Judic. Siruv. Exerc. 17. ad ff. ib. 5.* Nam quae facta laedunt pietatem, existimationem, verecundiam nostram, & contra bonos mores fiunt, ea  
ne

ne quidem nos facere posse credendum, *l. 15. ff. d. condit. Instit.* (2) *a formali*, quod consistit in patrocinii præstatione. Dirimunt nempe Patroni litium ambigua Fata Causarum, suæque defensionis uiribus in rebus sæpe publicis ac privatis lapsa erigunt, fatigata reparant, non minus provident humano generi, quam si præliis atque vulneribus patriam, parentesque salvarent, ac gloriose vocis confisi munimine, laborantium spem, vitam & posteros defendunt. *l. 14. C. de Advoc. 1.* Exinde in hoc diserte patescit, Patronum a Procuratore longe differre. In illo scil. juris peritia *l. 2. C. de Advoc.* in hoc non item; huiusque officium privatum, & vile, *l. 34. C. de Decur.* illius vero publicum, & honorabile est *l. Advocati. C. de Advoc. 1. Gail. lib. 1. observ. 43. n. 3. & 4.* Plures differentiae videri possunt apud *Eckolt. ad ff. tit. de postul. §. 1. ibique citat. Auctores.*

#### THESIS VI.

Tractandum nunc erit de variis Advocatorum speciebus, & commode dividi possunt: in Advocatos privatorum, & Fisci. Hi ab Imperatore Hadriano instituti leguntur apud *Cujac. in Comment. ad ff. tit. de his quæ in Testam. del. verb. ipso jure perimi.* suntque, qui causas Fisci agunt. *l. 1. C. de Advocat. Fisci*, qui Fisci nomine agunt. *l. 3. C. eod.* Dicuntur alias Patroni Fisci *l. 10. l. 15. 16. C. de Advoc. 1. l. 4. §. 3. C. de Advoc. 2.* Patroni, Atrarii, *l. 8. C. eod.* Eorumque Advocatio, quæ pro causis fiscalibus suscipitur, Patrocinium Fisci. *l. 13. C. de Advoc. 1.* Patronatus Fisci audit, *l. 3. §. 4. v. Cod. de Advoc. 2.* Quemadmodum autem singula Fora statutos suos habuerunt Advocatos, ita quoque singuli Fisci habent Advocatos, ut in Foro Alexandrino *l. 1. C. de Advoc. 1.* In Foro Præfecti Prætorio Illyrici, *l. 12. C. eod.* in Foro Præsidiali secundæ Syriæ *l. 2. C. de Advoc. 2.* Nec tamen plu-

plures uno in quolibet Foro fuerunt Advocati Fisci, *l. 12. C. de Advoc. 1. præter Forum Præfecti Prætorio, ubi successu temporis duo electi sunt, cum olim unus saltem fuerit constitutus, l. 10. l. 15. C. de Advoc. 1. quod observari in Camera Imper. adhuc testatur Ord. Cam. P. 1. tit. 15. & 16. Plura de Advocatis Fisci videri possunt apud Dn. Meier. in Colleg. Argent. ad Tit. ff. de postul. sh. 48. & seqq.*

### THESIS VII.

Patroni, qui causas Privatorum agunt, dividuntur iterum in statutos, *C. 1. pr. C. de Advoc. 1. l. 13. C. eod.* (quos hodie ordinarios appellamus) & supernumerarios, *d. l. 13. Illi sunt, quorum nomina Matriculæ, seu Albo, Advocatorum inserta, d. l. 13. pr. l. 1. C. de Advoc. 2. l. 14. §. 2. C. de Assessoribus, qui Collegio atque Consortio, quod certum Advocatorum habet numerum, sunt associati, l. 7. pr. & §. 1. & l. seq. C. de Advoc. 2. l. 3. C. de Advoc. 1. l. 11. §. 1. eod. ut certo foro inserviant, l. 11. §. ult. l. 13. C. de Advoc. 1. Hinc alii sunt Advocati Præfecturæ, l. 5. C. d. 1. alii Præfecturæ Prætorianæ. l. eod. Alii Provinciarum. l. 6. l. 13. C. d. 1. Nec aliud obtinet in Cam. Imper. de quo videri potest Ord. Cam. P. 1. tit. 18. §. Sehen/ ordnen und wollen. ibi daß über 24. Advocaten und Procuratoren nicht angenommen werden sollen. Pariter res sese habet in terris Saxonis, ubi quoque judicia Curialia Lipsiense, scilicet per Ordin. Jud. Cur. Lips. tit. Wie viel Procuratoren & seq. & Wittenbergense, per Ordin. Cur. Wittenberg: tit. von denen Procuratoren/ suos statutos, seu ordinarios, habent Advocatos. Discrepat tamen supremum Appellationis Judicium, quod Dresdæ est, hoc quemlibet habilem, ac jure non prohibitum, admittit, de quo videri potest Ordin. Jud. Appell. Tit. Von denen Advocaten und ihren Ambte/ sub fin. pr. ubi expressis verbis scriptum reperitur, daß ein jeder denselben Advocaten/ zu dem Er das*

das beste Vertrauen hat / in seiner Sache gebrauchen möge. Hæc de statutis Advocatis. Quinam vero sint supernumerarii, seu extraordinarii, ex natura contrariorum facile elucescet. Nimirum, qui supra numerum statutorum sunt, ac nulli certo ordini addicti per omnia Fora libere oberrant. *l. ii. §. fin. C. de Advoc. r.*

### THESIS IIX.

Postquam confuse actum fuit de Advocatis, nunc eorundem per causas distincta succedit tractatio. Sunt vero, secundum vulgata Philosophorum tum JCtorum approbantium tradita, quatuor causæ, eademque vel externæ, ut efficiens & finis, vel internæ, materia scilicet & forma. Causam efficientem, & quidem proximam, constituunt litigatores, qui pro lubitu Patronos sibi eligunt, quos volunt. *Eckolt. ad ff. tit. de postul. §. 3.* tum quoque Prætor, vel quilibet Magistratus ordinarius, qui dare solebat Patronos litigatoribus, (1) petentibus, utpote scæminis, pupillis, vel aliis debilibus, vel qui suæ mentis non sunt, si quis eis petat. *l. 9. §. 5. de offic. proconf.* (2) non habentibus, ex officio, si scilicet ambitione adversarii, vel metu, patronum non inveniunt, *d. l. 9. §. 5. l. ii. §. 4. de postul.* Nam aliquem per adversarii sui potentiam opprimi non oportet. *c. l. 9. §. 5. Nostris moribus* quilibet Magistratus, habens Jurisdictionem, constituere potest Advocatos.

### THESIS IX.

Nec solum volentes, sed etiam invitos, *l. i. §. 4. ff. de postul. l. 9. §. 5. de offic. proconf. l. 7. C. de postul. cap. i. X. de offic. Judic.* modo ipsius Jurisdictioni sint subiecti. *Hahn. ad ff. tit. de postul. n. 3.* Postulare etenim publicum quodam-



dammodo munus est, *l. 2. de R. J. ad publica vero munera inviti cogi queunt, arg. l. 1. pr. de administrat. int.* accedit, quod Reipublicæ interfit, litigantium causas non relinqui indefensas, *Wesemb. h. t. n. 3.* Hinc si monitus a Iudice parti denegaverit patrocinium, a Foro arcendus, nec iterum admittendus est, quod non tantum procedit, si Advocatus sit ordinarius, *l. 7. C. de postul.* sed etiam extraordinarius, nam causam semel susceptam peragere tenetur. Azo ad tit. *C. de postul. n. 5. Eckolt. ad ff. eod. n. 3. in fine Gail. lib. 1. observ. 43. n. 1.*

### THESIS X.

Quo vero ratio dignitatis ac decoris Magistratus habeatur, non sine dilectu quoslibet ad postulandum admittit, sed prohibentur quidam. I. Edicto Prætoris. Horum iterum tres sunt ordines. Primus est eorum, qui in totum a postulatione arcentur, ac (1) Minor, qui decem & septem annos nondum complevit, quia moderatam hanc demum ætatem ratus, est Prætor ad procedendum in publicum, nihilque magis nature contrariari, quam cum, qui rebus suis plane superesse nequit, aliena negotia administrare. *arg. l. 5. C. de legit. tutel.* (2) Furiosus. Nullum enim negotium recte gerit; cum non intelligit, quod agit. *§. Furiosus. 8. Inst. de inutil. stipul. ac per omnia & in omnibus absentis & quiescentis loco habetur. l. 2. §. ff. de Jur. Codicill. l. 1. §. 3. de acquir. vel amitt. possess. l. 17. §. 11. in fin. l. 124. §. d. de R. J.* (3) Surdus, qui præterea non audit, nec enim permittendum ei postulare, qui Decreto Prætoris non audito quasi non obtemperasset; poena, ut contumax plecti posset. Præ-

B

terea

tegea quoque Adversario contradicere nequit, quod tamen in Advocato necessario requiritur. *l. 1. §. 2. ff. de postul.* Aliud dicendum de furdastro, qui male audit, in quo prædictæ rationes cessant. (4) Mutus, nam omnibus actibus, ubi verbis opus est, repellitur. *Arg. l. 1. ff. de V. O.*

### THESIS XI.

In secundo ordine constitui pro aliis postulare nequeunt (1) Fœminæ. *l. 1. §. 5. ff. de postul. l. 2. de R. J.* Pudicitia enim sexus muliebrius nimine congruum est, alienis causis se immiscere, ac virilibus fungi officiis. *c. l. 1. §. 5. l. 2. de R. J. l. 18. C. de procur.* suam vero causam exponere ipsis non est indecens, *Sicuv. Exerc. VII. ad ff. th. 14.* Nam propriam suscipere defensionem, non virile, sed cujusvis est officium, nec rei suæ bene gerendæ occasio cuiquam auferenda. *l. 4. l. 9. C. de procur. Schnob. Disp. 3. ad ff. th. 3.* Jure Saxonico mulier neque pro se, neque pro aliis recte agit, nisi habeat curatorem ad litem. *Vid. Land-Recht. lib. 1. tit. 44. §. 46. item lib. 2. tit. 63. pr. Caspz. part. 1. des. 30. Ordin. process. judic. tit. 115. wie die Weibes-Personen vor Gerichte handeln sollen.* (2) Cæcus, utroque lumine orbatus, quod scilicet insignia Magistratus videre ac revereri non possit. *l. 1. §. 5. ff. de postul.* in Senatorio tamen ordine constitutus, eundem retinet, ac judicantis officio recte fungitur. *c. l. 1. §. 5.* (3) Insigni turpitudine notatus, *l. 1. §. 5. de postul.* utpote, qui corpore suo sponte muliebria passus est. *l. 1. §. 6. ff. de postul.* aliud vero obtinet, si vi prædonum vel hostium stupratus fuerit, *c. l. 1. §. 86. Capitali crimine damnatus,*  
&

& qui operas suas; ut cum bestiis depugnaret, locavit, ac nihil interest, an depugnaverit, mercedemque consecutus fuerit, annon. *l. i. §. 6. ff. de postul.* aliud vero obtinet, si virtutis saltem gratia, sine spe mercedis, hoc fecerit, *c. l. i. §. 6.* Quod si prædictæ personæ aliorum curam vel tutelam gerant, tunc pro iisdem postulare omnino queunt, cum necessario fungantur officio. *l. i. §. 6. in fin.*

### THESIS XII.

Tertius ordo est eorum, quibus pro se & certis quibusdam personis, tantum edicto postulare conceditur. Tales autem sunt: omnes omnino infamia Juris, non tamen singulari, notati. His enim Prætor permisit, pro parente, patrono, patrona, liberis parentibusque patroni, aliisque postulare. Et quoniam prætor de illis in titulo de in jus voc. pluribus edixit, ideo cum Ulpiano in *l. i. §. ii. b. t.* brevitatis studio meo remitto. *vid. Wesenb. ad tit. de postul. n. 4.*

### THESIS XIII.

II. Lex quosdam prohibet, in quorum numero sunt: (1) Judex & arbiter, in ea causa, ubi judicaturi sunt, quia aliquam inter arbitrum & patronum oportet esse differentiam, *l. 6. C. de postul.* ne, dum ad utrumque festinant, neutrum bene peragant. *l. 14. pr. C. de Assess. Brunner. ad c. l. 6. C. Perez. ad tit. C. de Postul. n. 5.* (2) Hæreticus; *l. ult. C. h. t.* nisi pro se & conjunctis agat. *Wesenb. b. t. n. 5.* Glossa in *Land-Recht art. 60. n. 3.* (3)

Clericus, *Nov. l. 2. 3. c. 6.* nisi in causa propria, Ecclesiæ  
 conjunctarum & miserabilium personarum. *c. 1. & 3. X.  
 de postul.* (4) Potentiores. *l. fin. C. ne potent. patroc.* (5)  
 Fiscus & ciuitates. *l. 3. & tot. tit. C. ne Fisc. vel Republ.* (6)  
 Libertus contra patrōnum suum. *l. 2. C. de postul.* (7)  
 Vassallus contra dominum. *a. F. 24. §. 2. verb. si delatori*  
 (8) Advocatus fisci contra causas Fisci. *l. 2. C. de Advoca.  
 1. l. 1. C. de Advoc. Fisci.*

### THESIS XIV.

III. Sententiæ Judicis prohibentur Advocati &  
 procuratores, qui ob contumaciam vel delictum, vel ali-  
 am ob causam a postulatione removentur, quidam ad  
 certum tempus, quidam coram magistratu tantum, sen-  
 tentiam pronunciante, illi post lapsum tempus (quin-  
 quennium scilicet) iterum admittuntur pro nonnullis.  
*l. 8. ff. b. t.* Isti vero nunquam. Hi apud successorem  
 postulare queunt. *l. 6. §. 1. b. t.* nisi prohibitio indefini-  
 te fuerit facta, odiosa enim restringenda sunt, *per Reg. ad  
 de R. J. in 6.* Ita tamen prohibiti a Judice, ne volente  
 quidem adversario, ob rationem *l. 1. pr. b. t.* postulare  
 valent, *l. 7. ff. eod.* consilio interim, scripturis aut aliis  
 privatis actionibus litigatorum cause extra Judicium  
 inservire haud vetantur. *Vid. Wesenb. ad ff. tit. de postul. n. 3.*

### THESIS XV.

Perlustrandæ nunc veniunt causæ, de quibus lis  
 moveri solet, quarum aliæ sunt justæ, aliæ injustæ, aliæ  
 dubiæ. De justis, quin defendi possint, dubitari non  
 licet,

licet, quemadmodum injistarum patrocinium defugiendum, *l. 14. §. 1. C. de Judic.* In causa vero dubia sedulo Advocatus inquirat in causæ justitiam, quod si vero de eadem ipsi exacte nequeat constare, verisimilis tamen videatur, eam nihilominus defendendam suscipere potest, cum sufficiat, si clientulus saltem justas quasdam habeat exceptiones, quàmvis adversæ partis rationes sint præstantiores. *vid. Siruv. Exerc. VII. ad ff. th. 5.* Quando vero ignorans causam injustam defendit, excusatur, modo non versetur in ignorantia crassa.

### THESIS XVI.

Causæ aliæ sunt civiles, aliæ criminales. Quoad civiles nullatenus dubitabimus, quin cadant sub partes Advocati. In criminalibus vero pariter non tantum a parte Actoris, si scilicet accusatio justis fundata sit indicîs, advocatio procedit; sed etiam a parte Rei. Ipsum enim delinquentem defendere non solum pium ac laudabile, *Siruv. Exerc. VII. ad ff. th. 7.* sed etiam ei, quocunque tempore postulanti, defensio concedenda est. *l. 13. §. 9. ff. de question. Carpzov. pract. crim. part. 3. quest. 115. n. 2.* Præterea Causæ sunt vel Ecclesiasticæ, quæ coram Judicio Ecclesiastico, utpote Consistoriis, qualia in qualibet fere Provincia constituta sunt; *Carpz. in Jurispr. Consistor. l. 3. tit. 1. def. 1. n. 7.* proponi debent. *cap. 3. X. de Judic.* vel seculares, quæ coram ordinario seculari Magistratu veniunt expediendæ, nisi forte personæ privilegiatæ sint, quæ singulare habent Forum. Nimirum Vasallus quoad res Feudales, Clerici, Professores cum tota Familia, & Studiosi in Academiis,

item Milites, aliique, de quibus videri potest *Struv. Exerc. IX. ad ff. th. 49.* Causæ tandem aliæ sunt ordinariæ, quæ ordinario & solenni processu expediuntur, vel extraordinariæ seu summariæ, in quibus de plano & sine strepitu proceditur. *Zung. de except. p. 1. cap. 1. n. 57.*

### THESIS XVII.

Postquam hætenus de causis, circa quas agendas Advocatus versatur, actum fuit, operæ nunc pretium fore, arbitror, si nonnulla de cautelis adjiciam. Caute igitur advocatus versetur (1) in suscipiendâ causa, nec sibi persuaderi patiatur, injustam esse justam, quod facile quibusdam circumstantiis, a cliente omiſſis, accidere possit. Hinc sedulo admonendus est cliens, ut omnes qualitates causæ aperiat. Etenim tres sunt personæ, quibus veritas omnino consistenda. Confessionarius, Advocatus & Medicus. *Berlich. part. 1. conclus. 9. n. 15.* Explorata hoc modo causa, illam tuto suscipere potest, prospiciat vero sibi (2) de sufficienti legitimatione, ne illa destitutus, si opponatur exceptio legitimationis, ad refusionem expensarum, damni & interesse condemnatur. *Berlich. part. 1. concl. 14. n. 20.* Nec de sua tantum, sed etiam de Adversarii legitimatione sollicitus sit. Nam, si imperfectum admiserit Mandatarium, Judicium redditur elusorium. (3) Cautelam adhibeat circa citationem, ut quamprimum citari faciat Adversarium, ne quid contra ipsum, tanquam non auditum, pronuncietur, quod postea nullius sit efficacis. *l. 4. C. de senient. & interl.* Fieri autem citatio debet a Judice competente, solenni modo, justo tempore,

pore, ad locum legitimum, ne ex defectu aliquo illa corruat. (4) Caveat in indaganda actione, ut, si a parte stet Actoris, pinguiorem eligat, quā facilius suum consequi possit, si vero a parte rei, de legitimis cogitet exceptionibus, quibus Adversarii intentionem excludere valeat. *Cepoll. Caut. 118.* Hæc de cautelis adducta sufficiant, plura enim de iisdem tractare angustia temporis prohibet, videri autem ulterius potest *Cepolla in Tractatu suo. de cautelis.*

### THESIS XVIII.

Causam formalem ipsius Advocati I. in probitate reponimus, sit itaque vir bonus & iustus, cui sapientia huius mundi displiceat, quæ est, cor machinationibus tegere, sensum verbis velare, & quæ vera falsaque sunt, demonstrare, & contra, sed potius amplectatur sapientiam iustorum, qua nihil per ostentationem fingimus, sensum verbis aptamus, falsaque devitamus. *Vid. Zoes. ad ff. 112. de postul. n. 6.* omni diligentia, studio, fide & industria res clientis gerat. *l. 1. C. de Advoc. 2.* agat quod causa desiderat. *l. 6. §. 1. C. de postul.* Hinc (1) nullas adhibeat fraudulentas cautelas, & fallacias, ad obtinendam causam, *Zoes. c. l. n. 13.* dolo tamen bono, seu arte quadam, ad excludendas adversarii cavillationes, uti non prohibetur. *Strauv. Exerc. VII. ad ff. 16. 8.* (2) Neuiquam lites semel susceptas ex industria cum nagno litigantium dispendio protrahere. *l. 6. §. 4. C. de postul. l. ult. C. de Adv. 1. n. 6. vers.* nec easdem protelare, *Rich. port. l. conclus. 2. n. 32.* sed, quam citissime fieri potest, ad finem perducere debet. *l. properandum 13. §.*

*illo procul. 9. C. de Jud. Berlich. c. l. n. 40.* Porro non (3) ineat cum cliente pactum de quota litis, ne forte male litigandi occasionem nanciscatur, *l. 5. C. de Judic. l. 53. ff. de pact. Zoëf. ad ff. tit. de postul. n. 6. sqq. Berlich. part. 1. conclus. 9. n. 75. Carpz. part. 1. constit. 1. def. 24. n. 3.* aliud vero obtinet, si ratione victoriæ, vel palmarii, idem paciscatur. *l. 1. §. 12. de extraord. cognit. Berl. c. l. n. 76. Carpz. c. l. n. 4. Gail. lib. 1. obs. 44. n. 1. seq.* (4) Clientuli sui secreta nullatenus pandere, nec adversario aperire debet, multo minus colludere cum ipso, incidit alias in crimen prævaricationis. *l. 1. C. de Advoc. l. 1. §. ult. de prævaric. Siruv. Exerc. VII. ad ff. ib. 10. Schnob. disput. ad ff. 3. ib. 4.* Aliud vero statuendum existimo, si fortean grave Reipublicæ damnum exinde metuendum sit.

## THESIS XIX.

II. Requiritur in Advocato scientia & eruditio. *l. 2. C. de postul.* Ac sit (1) Juris peritus, *l. 11. §. 1. C. de Adv. 1.* torpe enim est causas oranti, Jus, in quo versatur, ignorare. *l. 2. §. 43. ff. de O. J.* non vero sufficit, per usum & exercitium aliqualem sibi Juris notitiam acquisivisse. *Berlich. part. 1. conclus. 9. n. 58.* sed per statutum tempus, quinquennium puta, Jurisprudentiæ operam dedisse advocatum, necesse est. *l. 3. §. 4. C. de Advoc. l. 1. §. 4. 2nd. Berlich. c. l. n. 53. seq. Carpz. part. 1. constit. 1. def. 10. n. 10.* quod præterea specimine quodam academico, vel testimonio eorum, quorum informatione usus fuit, probare tenetur, alias non admittitur. *Ordin. Judic. Saxon. Tit. von Advocaten und Procuratoren in gemein. §. Besonders aber in med.* (2) Modestia ornatum esse



eise oportet Advocatum, primo erga Judicem, coram quo causas agit, debitam nempe reverentiam, tam in loquendo, quam scribendo ipsi exhibendo, eo ipso enim illius benevolentiam sibi conciliabit. *Dn. Nicol. proc. Jud. p. 1. c. 6. n. 9. Berlich. part. 1. conclus. 9. n. 11.* Deinde erga suum clientem, ne illum austero & quasi Catonico vultu excepiat, si forte sapius, aut intempestive, ab eo interpelletur. Quandoquidem summi & honorati viri non solum, sed maxime vulgus capitur blanditiis. Tertio erga Advocatum sui adversarii, placide sc. causam proponendo, ad exceptiones respondendo, verum, non ultra, quam litis poscit utilitas, in licentiam convitiandi & maledicendi temeritatem prorumpat. *l. 6. §. 1. C. de postul. nullis utatur cavillationibus, Berlich. part. 1. conclus. 9. n. 27. Ord. Judic. tit. von Advocaten und Procuratorn in gemein. ibi: Sollen sich in Reden und Schreiben gebührender Bescheidenheit besleißigen/ aller stachlichen anzüglichen Worte / so wohl gegen die Gerichte / als ihren Regentheil und dessen Beystände / enthalten. Carpz. in process. tit. 5. art. 7. n. 42. seq.* Scopticis enim & futilibus verbis pugnare, non gravis & eruditi esse Advocati, tradit *Reink. de R. S. & E. lib. 1. cl. 5. c. 11. n. 64.* (3) requiritur facundia, unde Sacratissimus Imperator in *Constit. Omnem §. illud vero: in fin. de rai. & methodo Jur. doc.* Oportet, inquit, prius animis & postea lingvis eruditos fieri. ac in *l. 13. C. de Advoc. 1. perorare, & in 1. ult. C. de Advoc. 2. disertissimi dicuntur advocati.* Nec tamen in ipsis vana sit loquacitas, quæ parum utilis, nec delectetur verbositate ac multitudine sermonis, sed brevis ac nervosa. Clientuli sui Jura proponant, quod non parum gratiæ solet parere. *Vid. Berlich.*

C

part.

*part. 1. constit. 9. n. 31. seqq. Ordin. Jud. Saxon. Tit. von Advocaten und Procuratoren in gemeln. ibi: Ihret Clienten und Principalen Nothdurfft kurz und nervose proponiren und einbringen.* Quapropter non immerito laudat Carpzovius Advocatos in Curii provincialibus Saxonie, quod palmam vere hac in re obtineant, & in negotiis etiam perplexis ac difficilibus Jura partium succincte ac nervose adducant, nec vel Judici bilem moveant, vel seipfos nimio aggravent labore. *Carpz. in Process. tit. 5. art. 7. n. 32.*

### THESIS XX.

Cum non inconvenienter tradant Philosophi Omnia fieri ob certum finem. Ita non abs re erit, de fine Advocati nonnulla hic adducere. Qui vel remotus est, gloria nempe Dei, ad quam omnes nostras actiones dirigere nos oportet, ideo is, qui hoc negligit, Deo, tanquam supremo Judici, severissimas aliquando reddet rationes. Vel propinquus, qui iterum triplex est, (1) Sublevatio eorum, qui Jus ignorant. Non enim omnia possumus omnes, nec omnes Jurisprudentiæ operam navare oportet. Hinc Advocatos, qui dirimunt ambigua Fata causarum, *l. 14. C. de Advoc. 1.* adire necesse habemus. (2) Justitiæ administratio, quapropter non immerito Sacerdotes Justitiæ appellantur, quoniam nempe eandem colunt, æqui bonique notitiam profitentur, æquum ab iniquo separantes, licitum ab illicito discernentes, *l. 1. §. 1. ff. de Justitia & Jur. suo* quoque candore & fide efficere queunt, ut mali trahantur ad supplicium, dum iis denegant patrocinium

cinium vel strenue accusant, qui alias manerent impuniti. Idem bonos ab omni injuria sceleratorum securos præstant, qui alias facile supprimerentur.

### THESIS XXI.

Effectus Advocationis vel respectus clientis, vel Advocati considerandus venit. Respectu Clientis est, quod omne commodum & damnum, quod ex advocacy ortum fuit, ad ipsum, tanquam Dominum, transeat. Dn. Nicolai in *Process. parti. 1. cap. 6. n. 21.* Dum advocatus in hoc articulo cum Mandatario quodammodo convenit, a quo omne ad Principalem reddit. *l. 20. ff. Mandati.* Aliud vero obtinet, si (1) dolo aliquid commiserit, colludendo scilicet cum Adversario, quod factum Clienti nullo modo nocebit, sed semper inde victo, etiamsi non provocaverit, collusione detecta, de ea vicissim agere licebit. (2) Si errore, sive Juris, sive facti, aliquid gesserit, tunc videndum, num cliente absente, num vero presente, eo id fuerit factum. Priori casu, error Advocati neutiquam ei nocere potest, *l. ult. C. de error. Advoc.* posteriori casu omnino nocebit, nisi in continenti, hoc est, triduo proximo, contradixerit. *l. ult. C. de error. Advoc. Colleg. Argent. ad tit. ff. de postul. lib. 40.* Dn. Nicolai in *process. art. 1. c. 6. num. 21.* Effectus a parte Advocati est premium laboris, gratis enim postulare nemo tenetur, sed pro modo litis, proque facundia & Fori ac Judicii consuetudine, recte peti potest salarium, *l. 1. §. 10. ff. de extraord. cognit. Wesenb. ad tit. ff. de postul. num. 3.* Dn. Nicolai *cit. loc. num. 4.* unde nihil interest, an de eo conventum fuerit, an non.

## THESIS XXII.

Postquam in presenti de præmio, pro labore præstito Advocato solvendo, actum fuit, nunc de ejusdem quantitate videbimus. Non autem pro lubitum, quantum vult, exigere potest advocatus, sed debet illud aestimari pro modo litis, *l. 1. §. 10. ff. de extraord. cognit.* Præter hæc ultra licitam quantitatem, centum, nimirum aureos in singulas causas, loto palmarum stipulari nequit, *§. ult. c. l. 1. Berlich. part. 1. conclusio. 9. n. 70.* Exciipiuntur autem causæ graves, utpote Criminales, Episcoporum vel Abbatum, ubi salarium merito centum aureos excedere potest. Uti tradit *Berlich. c. l. n. 71.* Non abs re erit, jam inquirere, quid Juris sit, si Advocatus cum Cliente de certo salario, singulis annis exsolvendo, pactus fuerit, per primum vero vel secundum annum parum; aut nihil, egerit, anne tunc ipsi salarium debeatur? Quod affirmamus, modo per ipsum non steterit, quo minus præstiterit operam, nec expresse sub conditione. Si operæ præstabuntur, fuerit conventum, *l. 38. §. 1. ff. locat. cond. l. 24. ff. de condit. & demonstrat. Gail. lib. 1. obs. 44. num. 12.* Idem obtinet, si intra annum lis sopiatur, item, si intra annum moriatur Advocatus, tunc quoque salarium ab heredibus ejus nequidem repeti potest solutum, *l. 1. §. 13. ff. de extraord. cognit. Berlich. part. 1. cons. 9. n. 72.* cum eadem subsit ratio, jam vero ubi eadem est ratio, ibi eadem est Juris dispositio, *arg. l. 32. ad La. Aquila.*

## THESIS. XXIII.

Insequuntur nunc remedia, quibus Advocatus salarium consequi valet, & sunt actiones ipsi competentes. Primo quidem conditio certi, quæ, quotiescunque aliquid certum promissum est, competit. *Siruv. Exerc. XVI. ad ff. ib. 39.* Deinde actio ex stipulatu, si incertum promissum fuerit. *Siruv. Exerc. XLVII. ad ff. ib. 35. Coll. lib. 1. observ. 44. num. 3.* Tertio remedium aliquod extraordinarium adhuc datur, quod est, ut Advocatus retinere Acta privata aliæque clientis documenta possit, donec ipsi exsolvatur pretium. *Dn. Nicol. in process. p. 1. c. 6. n. 15.*

## THESIS. XXIV.

Ceterum de Advocatorum privilegiis nonnulla huc adijcere necessitatis postulat ratio. Ac gaudent (1) privilegio competentie, vi cujus, in tantum, quantum facere possunt, conveniri saltem queunt. Et si vero hoc privilegio armati tantum fruebantur milites, *l. 6. l. 18. ff. de re jud.* tamen propter similitudinem, quam togati cum illis habent, *l. 14. C. de Advoc. 1.* recte ad illos extenditur, uti testatum facit *Berlich. p. 1. conclus. 30. num. 53. Carpz. part. 1. constit. 32. def. 18.* (2) Quicquid Advocatione acquirunt, sibi met ipsis acquirunt, tanquam peculium quasi castrense. *l. 4. l. 8. C. de Advoc. 1.* hinc de illo tam inter vivos, quam mortis causa, disponere possunt, servato saltem communi testandi ordine. *l. 37. pr. C. de inoffic. testam. §. fin. Inst. de milit. testam.* (3) In pro-

propriis causis litigantes nullas exsolvere tenentur sportulas. *l. 7. §. fin. C. de Adv. 2.* (4) Ab omnibus oneribus personalibus sunt immunes. *l. 3. C. de Adv. 1. l. 6. 7. l. 13. eod. l. 5. l. C. l. 7. §. 5. C. de Advoc. 2.* (5) Eorundem filii aliis, quando novus cooprandus est Advocatus, præferuntur. *l. 11. §. 1. C. de Advoc. 1. l. 3. §. 5. C. de Advoc. 2.* nullis quidem hanc in rem impensis factis.

### THESIS XXV.

Sicuti Advocatos laudabiliter se gerentes præmia sequuntur, ita peccantes poenæ. Ac puniuntur (1) prohibiti postulare, si nihilominus postulaverint, & quidem arbitrarie. *l. 1. §. 6. in fin. ff. de postul. Schnob. disp. ad ff. 3. th. 6.* (2) Vassallus, qui contra Dominum Feudi patrociniū præstat, beneficio privatur. *2. Feud. 24. §. 2. verf. item si delator. Gail. lib. 1. Obs. 88. n. 5.* (3) si Donatarius contra donantem postulet, Donata res ab ipso revocari potest. *l. fin. C. de revocand. donat. Gail. cit. loc. n. 6.* (4) Clericus, qui contra Ecclesiam, sub qua beneficium habet, stat, eodem privatur. *Cap. fin. X. de postul.* (5) Qui Prævaricator extiterit, extra ordinem punitur. *l. 2. ff. de prævaric. utpote infamia, l. 4. eod. l. 4. §. 4. ff. de his, qui notant. infam. aut exilio. l. fin. C. de postul. vel removetur ab officio. l. 5. ff. de prævaric. vel condemnatur ad damnum ac interesse clienti restituendum. Siruv. Exerc. 48. ad ff. th. 99.*

Hæc de Advocatis dicta in præiens sufficiant, plura ad-jicere instituti ratio prohibuit. Interim hic sit Finis &

SOLI DEO GLORIA.

D. GO-

D. GODOFREDUS Strauß

P. P.

CLARISSIMO

DOMINO CHRISTIANO  
SCHLINZIGIO,

AVTORI HVJVS DISPVATIONIS

MAXIME INDVSTRIO

*SALVTEM PLVRIMAM DICIT!*



Alutaris maxime lex, cujus Antonius Guevarra in Horolog. Princip. lib. 1. cap. 2. p. 8. meminit, apud Romanos olim obtinuit, qua adolescentes, elapso decennio, vel ad studia literarum vel ad res militares adjungere animum, vel opificium discere, jubebantur, ne hominibus otiosis civitas repletur. Quæ sanctio

sanctio utilissima quamvis a multis habeatur insuper, ab aliis tamen adhuc præclare custoditur, qui ne decennium quidem expectant, sed a primis statim unguiculis Musarum castra sequuntur, nec stationem deserunt ante, quam hostem communem, ignorantiam nempe, vicerint atque fugaverint. His ipsis Te quoque, Respondens Clarissime, accensere habeo. Tu es, qui a prima ætate literis operatus Jurisprudentiæ apud nos navasti operam sedulo. Atque hinc ardori illi tuo non satisfacisse videbaris Tibi, si semel cathedram disputaturus conscenderes, prodire voluisti & altera vice, & demonstratum dare, quantum denuo ab illo tempore profeceris. Omen insimul bonum daturus, Te talem mox futurum, qualem nunc disputando te exhibes. Veneror alium Numen, ut institutum hocce proprium atque perpetuum Tibi esse sinat, insimulque voveo, ut Advocatus mox dignissimus Patriæ commoda plurima, optimo vero Parenti gaudium immensum in senectute illa provecta concilies. Vale. Dabam ex meo Museo die 15. Octobr. 1675.

Ad



AD  
DOMINUM  
CHRISTIAN. SCHLINZIGIUM  
AMICUM PLURIMUM COLENDUM  
CVM PVLCHRE  
DE ADVOCATI MVNERE  
DISPUTARET,

CONRADUS SAMUEL  
SCHURZFLEISCH,

P. P.

& hoc tempore Ord. Phil. DECANUS.



Et si homines ita sociati  
sunt inter se atque co-  
pulati, ut usu officio-  
que invicem conjun-  
ctissimi vivant, & con-  
cordiam, quæ sola auget humanas  
res & ornat, sincere colant atque  
D tuean-

tueantur: tamen exaudimus quoti-  
 die fori strepitum, & miramur sæpe  
 ac quærimus, quæ tanta volunta-  
 tum sit dissensio, ut alii contra alios  
 tam vehementer contendant. Quod  
 vitæ genus acerbum est sane ac in-  
 amœnum, iis præcipue, qui tran-  
 quillitate, quam lites distrahant  
 valde & turbant, delectantur. Et  
 tu vero illuc studium omne confers  
 tuum, ac efficere hoc studes atque  
 absolvere, ut verferis in turba cli-  
 entium, & rogatus patrocinia susci-  
 pias, causamque dicas. Non qui-  
 dem, ut accendas animos, atque ad  
 rixandum inflammes, quod præter  
 gravis Advocati officium, præter  
 que tuam consuetudinem est, sed  
 ut instructis rationibus forenses il-  
 lum æstum quasi restringas non ni-  
 hil,

hil, & prudenter modereris, ut omnes intelligant, non te conſectari lites, nec mora trahere, ac differre conſulto, & procrastinare ſemper, ſed ſummo jure experiri conſtituiſſe. Quod ut tibi, omnibus rebus doctriniſque ornato, recte atque ex animi ſententia eveniat, & cauſas forenſes, ad quas inſtructiſſimus accedis, bene feliciterque tractes, ac edito de advocato ſpecimine, gravis & prudentis advocati gloriæ præluſas, perſonamque hanc apte decoreque in republica ſuſtineas, ac ſanctum hoc inviolabileque munus præclare geras, & leges judiciæque laudatiſſimè adminiſtres, animo libenti prolixoque opto. Witteb. ex Muſeo XIX. Nov. An. cto Ioc LXXV.

D 2

Ma

# Madrigal.



Daß ja Frau Fama was zu reden hat/  
 Bey der gelehrten Welt. Kan also schliessen/  
 Wie dieser außerswählte Rath  
 Von niemand als Apollen müsse fließen.  
 Drumb / weil dein edler Fleiß uns abermahl  
 Was herrliches vor Aug und Ohren bringet/  
 Verdienst dus auch / wenn die gesamte Zahl  
 Der Musen dich mit allem Ernst besinget.  
 Ich / der ich zwar mit meiner Kehle  
 Den Schwanen nicht mit einzurechnen bin/  
 Gedende doch daß deinen Sinn  
 Ich endlich nicht so gar hiermit verfehle/  
 Zuförderst da ein anderer Veruff  
 Dich bald mit unsern Grängen woll verloben/  
 Da schweig ich vollends nicht. Der Himmel droben  
 Der führe deinen Vorsatz wohl hinaus  
 Und bringe dich gewünscht ins Vater Haus.

Seinem hiebevor gewesenen Hn. Stu-  
 bengesellen und werthen Freunde  
 zu Ehren schrieb es

W. C. PITTERLIN,

Jur. Stud.

